

doer qu. sier Marco el cavalier è ereditor dil suo servito di castelan a Castel Lion, di Cao d' Istria, a l' oficio di Camerlengi di comun di ducati 61 s. 21, che 'l sia pagato a la camera di Padoa *ut in parte*. 124, 16, *iterum* 147, 13, 3, et fu presa.

Fu posto, per li Consieri, Cai di XL e Savi dil Consejo e Terraferma, che a Nicolò Lugara citadin di Corfù, qual andò sopra la galia soracomito sier Zuan Contarini con compagni 12 a sue spexe senza alcun premio, et combatendo con fuste di turchi fo ferito di uno arcobuso nel brazo sinistro; per tanto sia scritto al rezimento di Corfù li debi dar sali per ducati 24 a l'anno metendolo al precio si suol dar ad altri, e questo fino li sia provisto di qualehe oficio, qual avendo, cessi questa provision: 122, 19, 1. *Iterum* 135, 18, 1, et fu presa.

Fu fato prima scurtinio di uno savio di Terraferma, che manca, e rimase sier Zuan da Canal. Il scurtinio è questo:

*Electo savio a Terraferma.*

Sier Alvise di Prioli, fo provedador al Sal, qu. sier Francesco.

Sier Lunardo Venier el dotor, fo avogador di Comun, qu. sier Marin procurator.

Sier Hironimo Polani el dotor, fo di Pregadi, qu. sier Jacomo.

Sier Vettor Michiel, fo capitano a Bergamo, qu. sier Michiel.

Sier Lorenzo Bragadin, fo ai X officii, qu. sier Francesco.

Sier Piero da ca' da Pexaro, fo Cao dil Consejo di X, qu. sier Bernardo.

Sier Hironimo Querini, fo patron a l'Arsenal, qu. sier Piero.

Sier Nicolò Zorzi, è di Pregadi, qu. sier Bernardo da San Moisè.

Sier Trojan Bolani *el grandò*, qu. sier Hironimo.

Sier Francesco Bolani, fo avogador di Comun, qu. sier Candian.

Sier Andrea Foscolo, fo savio a Terraferma, qu. sier Marco.

Sier Nicolò Tiepolo el dotor, fo di Pregadi, qu. sier Francesco.

Sier Marco di Prioli, fo governador di l'Intrade, qu. sier Francesco, qu. sier Zuan procurator.

Sier Zuan Antonio Dandolo, è di Pregadi, qu. sier Francesco.

Sier Santo Trun, fo di Pregadi, qu. sier Francesco.

Sier Hironimo Barbarigo, è di Pregadi, qu. sier Andrea qu. Serenissimo.

Sier Andrea Mocenigo el dotor, fo di Pregadi, qu. sier Lunardo qu. Serenissimo.

Sier Francesco, da ca' da Pexaro, è di Pregadi, qu. sier Hironimo, qu. sier Luca procurator.

Sier Francesco Zorzi, fo di Pregadi, qu. sier Hironimo el cavalier.

Sier Faustin Barbo, fo avogador di Comun, qu. sier Marco.

Sier Beneto Vituri, fo camerlengo di Comun, qu. sier Zuane.

Sier Piero Zen, fo retor e provedador a Cataro, qu. sier Catarin el cavalier.

Sier Sebastian Foscarini el dotor, fo al luogo di Procurator, qu. sier Piero.

Sier Nicolò Salamon, fo avogador di Comun, di sier Michiel.

Sier Andrea di Prioli, fo di Pregadi, qu. sier 321 Marco, qu. sier Zuan procurator.

Sier Piero Mudazo, è ai X Savii, qu. sier Marco.

Sier Zuan Vituri, fo provedador in la Patria dil Friul, qu. sier Daniel.

† Sier Zuan da Canal *el grandò*, qu. sier Nicolò dotor.

Sier Antonio Sanudo, fo provedador a le Biave, qu. sier Lunardo.

Sier Marco Loredan, fo avogador di Comun, qu. sier Domenego.

Sier Antonio Surian dotor e cavalier, fo al luogo di Procurator.

Sier Lorenzo Orio el dotor, fo avogador di Comun, qu. sier Polo.

Sier Beneto Dolfin, fo savio a Terraferma, qu. sier Daniel.

Fu tolto il scurtinio di 8 sora l'extimo di padoana, tolli numero 96, et si saria stà assa' a ballotarli.

Fu posto, per li Consieri, Cai di XL e Savi: di ditti 8, siano electi per eletion nel Consejo di Pregadi, *videlicet* per la banca et 4 man di eletion, e cadaun toy il suo. Ave 150, 7.

In questa matina, in Quarantia criminal parlò per il caso di sier Piero Antonio Morexini domino Bortolo da Fin suo avvocato, e non compite. Luni poi da matina compirà.

Zonse una nave vien di Soria di . . . partì a di 19 Mazo, conferma li avisi auti per avanti.

È da saper, in questi zorni zonseno a Venecia molti savogini, quali per li avisi auti di Portogalo,